

in kunftigen czeiten, und haben dorumb im und seinen erben mit wolbedachtem mute, gutem rate unserr fursten, edeln und getrewen, und rechter wissen, alle seine privilegia, hantvesten und brive, die er uber sein graftschaft, herschaft, pfantschaft, ezolle, lande und leute von unsern vorfaren an dem reiche, Romischen keysern und kunigen, und von uns herbracht hat, gnediglich bestetet, bevestet und confirmiret, und besteten, bevesten und confirmiren in die in kraft dicz brives und Romischer kuniglicher mechte, und gebieten dorumb allen fursten, geistlichen und werntlichen, grafen, freyen, dinstleuten, rittern, knechten, gemeinscheften der stete, merkte und dorffere, und sust allen andern unsern und des reichs undertanen und getrewen, das sie den egenanten graff Philipps und seine erben an den egenanten iren privilegien, hanvesten¹, briven, rechten, gnaden und freyheiten nicht hindern, noch irren in dheyneweis, sunder sie dobey geruhlichen bleiben lassen, als libe in sey, unser und des reichs swere ungnade zu verineyden, und ein pene hundert mark goldes, die ein iglicher, der das uberfure, als ofte das geschee, sol genczlich verfallen sein, die halb in unser kunigliche Camere, und das ander halb teil dem egenanten von Falkenstein und seinen erben genczlich gefallen sollen. Mit urkunt dicz brives vorsigelt mit unserr kuniglichen majestat insigel. Geben zu Frankenfurt noch Cristes geburt dreyczenhundert jare und dornoch in dem achtundneunczigistem jaren, des donrstages noch dem obristen tage, unserr reiche des Behemischen in dem fundunddreissigistem, und des Romischen in dem czweyundczweinczigistem jaren.

Ad relacionem Borziboij de Swinar

Franciscus canonicus Pragensis.

(in verso) R. Bartholomeus de Novacivitate.

Or. Pgt. Siegel abgefallen. Vorliegend auch in einem Vidimus des Heilmann Johann Weydebecher, d. d. Frankfurt 21. Jan. 1398. — Herquet nr. 165.

X.

1398. Jan. 10. K. Wenzel belehnt Philipp Gr. z. Falkenstein mit der Grafschaft Mark, die wegen Nichteinholung der Belehnung seitens des Grafen Engelbrecht dem Reiche heimgefallen ist.

Wir Wenczlaw, von gotes gnaden Romischer kunig zu allen czeiten merer des reichs und kunig zu Beheim, bekennen und tun kunt offenlichen mit diesem brive allen den, die in sehen oder horen lesen; wann die graftschaft von der Marken in Westvalen gelegen mit iren landen und luten an uns und

1) So!